



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 313. Usque Ad Annum 361

**Fleury, Claude**

**August. Vind. [u.a.], 1758**

**VD18 90117778**

§. 53. Concilii Tyriensis exitus.

---

[urn:nbn:de:hbz:466:1-66022](https://nbn-resolving.org/urn:nbn:de:hbz:466:1-66022)

unus cœteris insolentior, manu prehen- Sæculum IV.  
sam Virginem Deo consecratam, ad al- A. C. 335.  
tare casu obvium traxit, quod persecu-  
tionum tempore fieri consueverat; Vir-  
gines aliæ fugere, & se occultare, Paga-  
nis interim Religionem Christianam lu-  
dibrio habentibus; imo talia in ipsa do-  
mo fiebant, qua Episcopi hospitabantur,  
ad eorum oblectationem, & risum, rur-  
sus hæc die jejunii, & ab hominibus de  
eorum mensa surgentibus.

## §. LIII.

*Concilii Tyriensis finis.*

Delegati, Tyrum reversi, S. Athanasium Socr. I. c. 32.  
ibi non invenerunt, postquam vero Soz. II. c. 25.  
acta inquisitionis relata sunt, Eusebianis  
motoribus depositionis sententia contra  
eum lata est cum prohibitione, ne Ale-  
xandriæ maneret, ejusque præsentia no-  
vos tumultus excitaret. Plerique Epif-  
coporum huic sententiæ subscripserunt,  
quamvis essent, qui constanter recusave-  
rint, & inter illos Marcellus Ancyranus.  
Concilium scripsit ad Constantinum, &  
depositionem Athanasii notam fecit, scri-  
pserunt quoque ad omnes Episcopos, ne  
eum ad communionem admitterent, lit-  
teras ei nec scriberent, ne scriptas reci-  
perent. Condemnationis ejus causam  
ponebant; ipsum, postquam diu & fru-  
stra



Sæculum IV. A. C. 335. stra Cæsareæ fuisset expectatus, tandem  
 Tyrum venisse valido præsidio stipatum  
 ibi tumultum excitasse, noluisse respon-  
 dere, iudices suos detrectasse, & multi-  
 Episcopis injurias irrogasse; ex inquisi-  
 tione in Mareotide convictum esse, quod  
 calicem confregerit, præter alia crimina  
 quorum succincte mentionem faciebant,  
 non omisso Arsenii parricidio, quamvis  
 illius nomen inter illos, qui huic senten-  
 tiæ subscripserant, legeretur.

Concilium, antequam sessionibus fi-  
 nem faceret, Joannem Meletianum cum  
 omnibus suis Sectatoribus ad Ecclesie  
 communionem recepit, & suos singulos  
 honores asseruit, tanquam hominibus  
 injustam persecutionem passis. Ischyra  
 nomen Episcopi dederunt, & ab Impe-  
 ratore obtinuerunt, ut Quæsturæ in Æ-  
 gypto Præfectus ei Ecclesiam Secontatu-  
 ræ ædificare juberetur, quasi ad reparan-  
 dum damnum Ecclesie illius, quam Atha-  
 nasius destruxisse dicebatur, quamquam  
 in illo loco nunquam vel Episcopus, vel  
 Chor-Episcopus fuisset. Omnes Eccle-  
 siæ in Mareotide Episcopo Alexandrino  
 erant subjectæ, & decem ferme oppida  
 grandiora numerabantur, quorum singu-  
 lis Presbyter præerat, sed Ischyra pagus  
 ita erat modicus, ut agrestes ad Eccle-  
 siam vicini oppidi accederent. Hæc crea-  
 tio Episcopatus sine populo antiquæ Tra-  
 ditioni,

*Athan. 2. A-  
 pol. p. 802.*



ditioni, & omnibus Canonibus repugna-  
 bat; verum Eusebianis consultum non  
 erat, Ischyrae causam irascendi dare, ne  
 rei veritatem aperiret. Jamque in eo  
 erant, ut opus suum perficerent, & A-  
 rium ad Ecclesiae Communionem susci-  
 perent, cum adsunt Epistolae Imperato-  
 ris, quibus conventui finem facere, &  
 cito Jerosolymam se conferre jubeban-  
 tur, Ecclesiam ab Imperatore aedificatam  
 dedicaturi. Hoc mandatum Marianus,  
 Imperatoris Notarius, quod munus erat  
 praecipuum, Episcopis attulit.

## §. LIV.

*Dedicatio Ecclesiae S. Sepulchri.*

Tyro igitur profecti, curribus Cæsareis  
 Jerosolymam delati sunt, ubi & alios  
 invenerunt Episcopos, a Constantino ex  
 omni parte, & magno numero illuc con-  
 vocatos. Hinc frequentissimus fuit con-  
 ventus, sed, quinam fuerint illi Episco-  
 pi, praeter illos, qui Tyro advenerant,  
 & quemdam Episcopum Persam, qui  
 S. Miliesius Martyr fuisse creditur, non  
 novimus. Populus multitudine innume-  
 rabilis ex omnibus Imperii Provinciis  
 confluxerat, insolitam Cæremoniam spe-  
 ctaturus. Omnibus necessaria Impera-  
 toris sumptibus praebantur, qui aulae  
 suae Proceres, ut omnia ordinate proce-  
 derent,

Sæculum IV.  
 A. C. 325.

*Eus. vit. IV.*  
 43.